

<https://anmeldung.salzburg-testet.at/#/public/vaccination-self-registration>

Ovdje možete izvršiti **predregistraciju za besplatnu i dobrovoljnu vakcinaciju protiv Covid-19 u Pokrajini Salzburg**. Nakon izvršene predregistracije možete odabrati neki od punktova za vakcinaciju (Impfstraße), tj. lokaciju gdje se želite cijepiti.

Sve informacije o vakcinaciji kao i plan vakcinisanja/cijepljenja Pokrajine Salzburg naći ćete na stranici [Land Salzburg - Corona-Impfung](#). Možete se prijaviti i za primanje biltena [Corona-Newsletter Pokrajine Salzburg](#).

NAPOMENA: Do kraja juna/lipnja za predregistraciju i vakcinaciju protiv Covid-19 isključivo su dostupni punktovi za vakcinaciju (Impfstraßen). Najkasnije od jula/srpnja bit će ponovo moguća online predregistracija za vakcinaciju kod kućnih ljekara i u ljekarskim ordinacijama.

Sve dodatne informacije dobit ćete na vrijeme putem e-maila ili SMS poruke.

Molimo da obratite pažnju na sljedeće:

Za online predregistraciju potreban Vam je mobilni telefon na koji možete primiti SMS poruke te austrijski broj socijalnog osiguranja.

Molimo da se osobe koje nemaju austrijski broj socijalnog osiguranja obrate na broj telefona 1450 (Hotline).

Osobe koje nemaju mobilni telefon molimo da se takođe obrate na broj telefona 1450 (Hotline).

<https://anmeldung.salzburg-testet.at/#/public/vaccination-appointment-self-registration>

Ovdje možete zavisno od prioritizacije Nacionalnog tijela za imunizaciju **rezervisati termin za vakcinaciju protiv koronavirusa** ukoliko ste već izvršili predregistraciju i već dobili TAN-kôd.

Pomoću TAN-kôda možete rezervirati slobodan termin u nekoj ordinaciji ili na nekom od punktova za vakcinaciju u Pokrajini Salzburg.

Rezervacija termina moguća je samo ako ste već izvršili predregistraciju za vakcinaciju i ako ste dobili poziv za zakazivanje termina putem e-maila ili SMS poruke. Poziv za zakazivanje termina dobit ćete e-mailom ili SMS porukom, zavisno od toga šta ste naveli. U slučaju da niste naveli nikakve digitalne kontakt podatke, dobit ćete termin za vakcinaciju telefonskim pozivom od strane službe odn. zaduženih za imunizaciju.

Samostalna rezervacija termina moguća je samo pomoću TAN-kôda koji ste dobili putem e-maila ili SMS poruke. TAN-kôd će Vam biti dostavljen.

Na kraju procesa prijave sve osobe dobivaju obrazac koji sadrži informacije o vakcinaciji i izjavu za pristanak na vakcinaciju. Taj obrazac mora se popuniti i odštampano ponijeti na termin za vakcinaciju.

U slučaju da pripadate grupi visokorizičnih ili rizičnih pacijenata, dobit ćete na kraju procesa prijave dodatni obrazac. Taj obrazac treba Vam potvrditi Vaš ljekar kod kojeg se liječite te ga odštampano trebate ponijeti na termin za vakcinaciju.